

京山縣志卷之十三

儒林列傳

明

郝敬字仲輿號楚望承健子幼稱神童萬曆己丑進士歷知縉雲永嘉二縣有能聲徵授禮科給事中乞假歸養久之補戶科明史稿文苑傳時用師朝鮮餉不繼敬列上損益十事條奏屯田十六策通志文苑傳山東稅監陳增貪橫為益都知縣吳宗堯所奏帝不罪敬上言開採不罷則陛下明旨不過為愚弄臣下之虛文乞先停止然後以宗

京山縣志

卷之十三

儒林列傳

一

堯所奏下撫按勘覈正增罪不聽疏稿具奏牘門山東巡撫尹應元奏極論增罪帝怒切責應元斥宗堯為民敬復上言帝怒奪俸一年帝遣中官高竊摧稅京口暨祿摧稅儀徵敬復力諫宗堯之劾增也增怒甚誣訐其贓私詞連青州一府官僚旁引商民吳時奉等請皆籍沒帝輒可之敬復力詆增請速寢其奏亦不納為要人所惡謫知江陰縣明史稿投劾歸闕康樂園閉戶著九經解山草堂諸書行世起南京行人辭不赴林下四十年舊志通志崇禎十二年卒自撰生狀死制別親友壽八十二

謹按先生所著九部經解一百六十五卷山草堂二十八種嘉定陸元輔藏有全書後歸秀水朱彝尊其九經解暨山草堂中內編之易領問易補學易枝言毛詩序說春秋非左四書攝提四書雜言談經撮諸種經義考俱全收之後開

四庫全書卽據彝尊經義考爲之分別提要

御纂詩經傳說尙書傳說春秋傳說

欽定三禮義疏採錄先儒箋注郝敬皆與焉道光間

皇清經解出諸經學家如毛西河閻百詩陳啟源翟灝焦

京山縣志

卷之十三

儒林列傳

二

循無不徵引郝氏經解推爲大儒至海內私家纂輯諸經塾本登載尤多先生經學幾與孔安國鄭康成埒名矣此外如讀書通史記瑣瑣時習新知小山草四庫全書均有提要

康熙字典採引讀書通者數十條

欽定唐宋詩醇杜甫詩所錄郝敬評語乃敬批選杜詩一種據仇兆鰲本而採之也四書制義復居可儀堂百二名家之一考明史藝文志通志藝文志所載楚人著述以先生爲最精博實不愧通儒矣

前明知縣章聚奎詳請給事中郝敬從祀

廟庭稿

湖廣承天府京山縣爲遵 明旨以重經學舉名賢以勵士習順輿情以光文治懇乞俯按遺書特賜獎重以白明儒五十年著述之心表昭代三百載經學之盛全諸祖臺知始作成之德廣 聖天子崇文重道之風雖屬邑里私榮實關文學盛典事據本縣鄉宦魏開之鄭友元等舉人楊文薦等貢士尙登龍等儒學廩增附生員趙昌胤馬鉉劉芝等舉本縣故宦郝敬著述事實緣

京山縣志

卷之十三

儒林列傳

三

由呈縣據此該本縣知縣章聚奎看得六經日月亘古常新三代以前墳典至夫子刪正大成矣周之季年文勝魯國諸生多至三千浸尋至於戰國七十子之門人後裔習徑竇遂多七王割據俗殊道分士爭飭其學詭其辯以相高而六經之言被其薄蝕眞贗始淆故昔之僞言莫多於嬴秦之際一炬爲殃有激而然逮至漢興收摭散滯固無全學矣文有磨滅言有楚夏出有後先而同異純駁笙竽不分大抵自秦以前百家橫議稂莠雜其嘉穀自漢以後諸儒承訛魚目混其夜光經術不

明其來已久理學諸儒自謂千古且暮而陰用二氏默坐澄心以爲道誤認周禮縱橫名法以爲道是安得曉暢六藝之精大闡十翼之奧而窮經知道合爲一者乎居恒每疑之而靡由折衷邇從簿書軍檄之間偶得暇晷甚或焚膏達旦於本宦全部卒業焉請得舉梗概述之經惟五而云九何也三禮皆禮也論孟皆傳也猶之五也以五用九取易乾元用九乃見天則之義此非十三經之漫據矣其解易也惡夫拂義而強象者失之苦執義而廢象者失之疏以故象數理俱備自罔弗合而

四聖同一序卦非強不復邵堯夫之分先天朱考亭之守卜筮焉其解書也辨孔氏古文出東晉時梅頤家其始末悠謬不可與漢伏生二十八篇並觀蓋伏生書乃眞本而晉書則贗鼎也如二帝同典五臣同謨皆不可強分爲二尤持論之最鉅者禹貢導河導漢導江之水法剖析井然又過於蘇子瞻蔡仲默諸說矣其解詩也原於古序先儒謂首序作自子夏而毛公發明微顯詳畧曲盡爲千餘年領袖朱子改沔水爲憂亂車牽爲新婚則小雅與國風何別旣醉非太平鳧鷖非守成則雅

與頌何別古序義理周匝完備雅頌得所聖人刪詩手澤若存如小弁爲太子之傳作以明子之於父無刺益信毛公之於詩深焉其解春秋也本詩亡之旨蓋古人文章深厚但據事鋪陳是非美惡在不言之表三百篇多用此體夫子作春秋則全用此體故自謂無毀譽奈何後儒以褒貶命討與深文隱語爲妄說也且未嘗獎許桓文孟子所謂五霸得罪三王故其命爲侯伯經皆不書今人徒見其所書不見其所不書則并其所書者亦蔽於偏見耳茲取傳中事經所不書者以質諸所書

者意自可會而裁斷定矣解禮記卽道學之書中庸大學原在其內禮與道非二物也聖人教人博文約禮之意豈可支離割裂自二篇孤行道爲空虛而無實地自四十七篇別列禮爲浮華而無根柢所宜急還舊觀者也解周禮所稱畿內五等都畿外五服何嘗一試於用又附會周公營洛之事而公與成王未嘗居洛土圭地中之說卽吳澄已証其謬故是書非已成之規後人臆說耳乃六國處士之學故密於近而疏於遠非治天下規模司空散寄於五官卽冢宰兼攝於百職陽分六官

以成歲序陰省冬官以法五行作者以此變幻其旨縱橫之言故考工記非河間所補也解儀禮作於衰世故其儀文雖詳而大綱不清不言天子諸侯禮而時雜越相亂非盡先聖之舊也然欲觀古禮舍此末由善讀者卽十七篇而人倫日用品節度數無不在其中推而演之三千三百皆可義起作者借爲式樣耳顧儀也不可爲經儀隨時損益也解論語爲六經之菁華名教之宗印而大道不越日用盡符下學上達之旨旣不墮良知之清虛且聖人氣象溫厚言語有風人之致善會其

微婉處而兼參春秋時事無不脗合非舊註之淺近矣執中立權之奧又始剖露也解孟子學本中庸直指心性爲後世理學嚆矢而發明微顯博約直繼先聖之傳嶄然歸一其與稷下諸人同時自稱好辯而無一語及之能含容包荒可窺慎密知言養氣之說尤研析罕見凡此皆九部之大要耳又以解經暇日著山草堂二十八種一曰談經撮爲緒言九卷以見大意也二曰易領於彖爻前冠以序卦傳如著衣者挈其領而前後瞻如也三曰問易客有摘疑義請益者如洪鐘大小之叩畢

應補其缺畧也四曰學易枝言晚年隨筆書記參伍錯綜旁引曲說兼修煉之道包羅二氏者也五曰毛詩序說卽原本古序而引伸條暢具奧義微旨以含蓄爲溫厚也六曰春秋非左而假托邱明風影揣度去道離經遠故摘其紕繆三百三十餘條而知爲僞筆耳七曰四書提綱此集不專爲訓詁旁觸發明取總攝羣言提轄百氏之義耳八曰時習新知參伍夙聞隨宜發揮養生養性之道三教流通謂爲語錄可謂爲清談可九曰閑邪記惡溫陵藏書是非背謬無一言黃中故放距之以

防耳食者也十曰諫草則戶垣諸疏崇論碩畫如議遼東則徵先見而錢法墾田則今日鑿鑿可行者也十一曰小山草則生平創闢議論自舉其尤者若干篇益以序記尺牘并身家譜系令後學得考據也十二曰嘯歌則諸所吟咏剗去浮藻獨寫性靈而大雅徽音得溫柔之風十三曰義圃僉談評隲千載詩書瑕瑜雖尙元淡仍不輕靡濃郁者固爲通論而指點更多明法十四曰史漢愚按夫史與經非二也自爲史者未窮經知道則持論每偏簡舉而衡量焉寓繩愆糾繆之思俾後之修

史者取裁亦卽公之史筆也十五曰制義其言純粹爾雅其理平正通達而骨力挺勁風格適逸眞可傳之業也十六曰讀書通鄙沈約四韻之拘而定爲五音者也十七曰批點左氏新語嘗非左之說經耳不能不喜左之爲文也剪裁支蔓俾修詞者採華焉十八曰批點史記瓊瑣料簡其中疑事隱語註家詮釋者也十九曰批點前漢瓊瑣簡其中隽語卮言可資文筆助塵談者也二十曰批點後漢瓊瑣范蔚宗事辭翔洽覺可取者又多於孟堅也二十一曰批點三國瓊瑣裴松之註三國

眞足不朽所錄志得三注得七以表注之功也二十二曰批點晉書瓊瑣江左風流莫盛於晉錄其奇以發莞爾也二十三曰批點南史瓊瑣風流之過卽爲放蕩南渡後梁陳事多不可爲訓隨在箴砭之以示戒也二十四曰批點北史瓊瑣李延壽所作多雜稗小說姑節取之以見河朔之文不盡爲胡塵沒耳二十五曰批點唐書瓊瑣其書文藻蘊藉遠遜漢魏六朝矣畧採其事辭之可述者以備覽耳二十六曰批選杜詩子美在唐人中獨其爲詩得敦厚性情之正非獨嘲風弄月而已者



也二十七曰批選唐詩就唐論唐錄其多骨森秀詞采高華音律宏暢而清空罔象如林風水月者而已二十八曰蜡談遊藝之懷旁羅齊諧虞初禮曰既蜡而收所以終也諸凡校讐又皆經史之餘涪也至若駁佛一書志埒昌黎吾聖人之教明而彼自歸吾宇下辨禮冕衣裳九章之誤春秋無大復讐之說書無周公殺兄之事易戒用剛與參天兩地之倚數孟子班爵祿之解俱得未曾有又就讀書明理之中商略居身處世之事至於蜀生禹秦生文舜生東越禹貢九州之地皆諸夏周禮

京山縣志

卷之十三

儒林列傳

九

職方楊州爲九州之首而吳越與楚非夷起於說春秋者之誣也其他超然遠覽曠世特出之見可殫述哉卽起漢宋諸君而與之揚扞必爲心服首肯者矣我明三百年雕龍繡虎作者實繁而含經味道羽翼聖真有誰居本宦之右者哉况懿行醕備不能罄舉已具在士民公冊允宜表揚以昭 聖代之鴻儒祀從兩廡則道有宗盟書藏翰苑則教可普溢者也緬縷忘其冗長以本宦有非常之著作不可報以一鄉之善士職濫竽此土躬逢盛事於前月二十八日本縣鄉紳舉貢生員等親

集縣庭輿情真切公議協同職不敢勦襲浮詞虛膺推  
獎實出欽崇愛慕之誠故謹彙括大端而陳之以備  
上臺採擇謹遣生員趙昌允管齋公呈事實申文上詳  
爲此今將前繇另具書冊具申伏乞照詳施行

曾憲德曰明史文苑傳稱郝敬謫江陰知縣貪污不檢  
物論皆不予遂投劾歸不能無疑焉郝敬爲給諫時劾  
鑛使陳增批鱗敢言至今章疏具存讀之凜然曾大有  
風力者而猶貪污乎予聞之鄉先生曰郝子才氣縱橫  
不可一世卒於崇禎十二年距修明史時尙近遭忌之

京山縣志

卷之十三

儒林列傳

十

由未息蓋以告者過也郝敬杜門著書垂四十年九經  
諸解

欽定御纂多所採入其羽翼經傳功在聖門無可疑議京  
山舊志修於康熙十二年距崇禎十二年僅三十五年  
稱其起南京行人不赴可見當時朝議未絕也曩見邑  
令章聚奎據都人士請通詳請從祀廟庭事詳稿具在  
亦未言其貪污并登入志以俟後之論定

楊鼎熙字伯元號緝菴崇禎戊辰進士授常熟令潔己愛  
民剔蠹除弊民建祠祀之

舊志

遷淮安府推官內陞戶

部員外郎出守江西吉安府擢湖西兵巡道按察司副使

國朝順治元年卒

墓碑

所著禮記敬業八卷據朱彝尊經

義考收入

國朝四庫全書其精要者採入

欽定禮記義疏道光年間

欽定國子監志其藝文志中

御書樓所藏書目鼎熙書亦與焉孫永燾諸生買山仙女

洞下教子抄書精心於詩爲人拘謹迂疏使人敬愛

黎

京山縣志

卷之十三

儒林列傳

十一

樵莊集

鄭友元字元韋號澹石舉萬曆四十六年鄉試登天啟五年進士授青浦知縣崇禎初調華亭兩邑案牘繁劇友元剴決如流兩造盈庭口斷手批曾不遺晷里長苦督賦友元使十里均任輸及額者勿詣縣其督而弗應者別爲頑戶攝而懲之故刑罰不加而課畢登踐更之期里胥多詭名以進匿上戶產友元獨勾得其實輒責問曰某有田若干而以賄隱乎皆驚愕首服稍暇急延攬儒生講論文藝設義學於求忠書院禮名宿爲師都人

士翕然崇尚文學江南通志行取擢雲南道御史疏論奄寺

變置軍政養豎總戎跋扈薊門乃得嚴旨謫歸甲申之

變避地南中補原官巡鹽兩淮丁母憂歸隆武立於閩

中黃道周疏薦友元盛年方剛深心遠識可以驅除亂

孽周道文集時江楚路梗文無由達也友元為文峭厲別闢

畦逕根柢六經昌明絕學杜門十有六年著易觀詩起

及澹山文集若干卷自題墓前柱石有異世同人莫負

聲名歸地下千秋一日好懸心事向天中之句卒祀鄉賢

國朝

京山縣志

卷之十三

儒林列傳

十二

譚之琥字禮西居觀音巖東故一號東巖康熙中貢生官

廣濟教諭嗜古博雅致力漢唐註疏儲雄文馮雅序著有卜

序詩解春秋義解聖祀賢儒錄方竹堂文詩集俱未板

行惟鈐雅十六卷宜興儲雄文序而行之稱其精核詳

贍可翼爾雅江右馮夔颺稱其教子弟以通經之學可

謂知務俱見鈐雅序琥官廣濟時上學政六事於學使凌榆

山知琥為嗜古之士素生平著作琥以鈐雅及樂府三

十章上晚年命其子又且於東巖山下埋其詩立石曰

東巖詩冢俱見鈐雅跋姪山年十二以才鳴熟五經兼通

經義  
序 鈐 雅

易本焯字眉孫履泰孫鏡清弟也道光乙酉選拔乙未舉人戊戌會試以額滿見遺挑取 國史館謄錄後屢薦不第遂專意纂述著有詩文別外餘集等篇共百種二百餘卷平時訪輯合縣人物故事手編成帙以爲續修縣志底稿均詳載一粟齋全集馮學使譽驥王學使文在序其稿洪學使鈞彭侍郎久餘爲作傳生平孝親敬長信友睦族一切懿行不可殫述年六十七卒

文苑列傳

李明暘其先江西人徙居京山幼涉書史以教授爲業未爲鄉曲所知後客竟陵魯文恪與倡和詩多警句嘗登武昌黃鶴樓題詩其上曰西望家山一改容白雲飛盡楚天空興饒老子胡床外秋在仙人鐵笛中夏口霜花沿岸白漢陽晴樹隔江紅磯頭黃鶴無消息千古登臨感慨同有監司過縣問東白先生安在衆茫然不知爲誰問之乃景暘號也始稍禮敬之後遊襄陽襄王亦愛其才厚加接遇泛舟東歸至漢江中流作詩曰好水好

京山縣志

卷之十三

文苑列傳

一

山行路遠秋風秋雨到家遲吟未畢落水死

王宗彥字時修號谷堂以學生領嘉靖壬子鄉薦十八名值父大僕公病侍湯粥不上公車直指額其堂曰孝養堂惟以詩文自娛所著有游嵩編松窗餘談盛明風雅諸集

陳良心字義華萬歷壬午解元負雋才善古文詞後杜門讀書不入城市尤邃天文著有律歷天文諸書年三十六卒

高巖嘉靖丙午舉人號雲萍山人十八歲時自畫小像坐

江上峰題詩曰雲萍逸客古仙人謫在人間十八春不  
向江邊弄明月世閒何處可容身未幾卒常於人家降  
乩書詩賦頃刻滿紙自云與呂仙及廖學士道南根徵  
逐乩語中互相標述也

魏實秀字穎超以增廣入太學除典客書法二王與董元  
宰陳眉公趙凡夫諸名家並馳實秀書更遒宕如秦關  
函谷額漢中關壯繆碑暨匡廬九華寒山皆其手蹟至  
今龍蛇宛然有載石軒行世

魏象先字太易高才奇骨爲一時聞人二十四爲諸生獨

京山縣志

卷之十三

文苑列傳

二

肄力於詩初年按法徐行晚任傾吐以資笑傲抱病無  
意爲諸生作七言律二十章自廣如舉案兩回成宿草  
操觚一敗逐秋鴻場開選佛因緣淺句就驚人折算窮  
覽者惜焉年三十四病益甚將死以一紙囑其家人曰  
必鍾子也誌我墓者傳則景陵譚子可自題曰明茂才  
魏長公太易而鍾伯敬銘其墓易以明詩人蓋實錄也  
王康之字晉侯萬歷乙卯舉人讀易如意寺執經多名士  
工詩翰字法二王年三十八卒

董長孺字元甫邑庠生清標玉立骨見衣表精篆刻在文

三橋何雪漁閒其弟少孺瀟灑雋上年二十棄諸生惟博覽羣書畱心吟咏畫不減古人尤精六書篆刻直追秦漢

李作孚字若玉天啓甲子舉人丰儀俊偉性情沖淡望之知非世味中人能詩工畫善飲酒作孝廉一無宦情白首觴詠不輟

李維柱字本石萬歷丙子與弟維極同舉於鄉選常熟教諭維柱富文學時應山楊文孺爲常熟知縣修海虞學志以維柱精於典故屬爲編纂稱爲博雅君子

楊忠烈  
修海虞

### 京山縣志

#### 卷之十三

文苑列傳

三

學志

在常熟時有違言於當事者文孺言本石雖是公

子性其實陽明君子也久之人皆以文孺爲知言

楊忠烈與

李本  
甯書

王弇州藏有趙文敏宋板漢書維柱嘗言若得文

敏漢書當日焚香禮拜死即殉葬

宋犖  
廊偶筆

其風趣如此

遷夔州同知卒

王應箕字穉衍應翼弟性至孝工詩文尤善臨池父垣任睢甯丞母抱疾官署箕方赴棘闈心動南下得視含斂人以爲孝感崇禎己卯中副車會特恩食餼著有清遠

齋詩



譚渾字處晦明崇禎時生員世居縣東東巖後避難鷹山  
又遷月塘人稱鷹山先生入 國朝隱身巖穴足跡不  
入城市獨吟咏不輟生平詩最多晚年自刪起丁丑至  
丁未三十年存千五百五十首爲鷹山集起戊申至乙  
丑十五年存千五百二十首爲月塘集姪之琥官廣濟  
時刪存二百六十餘首梓行渾爲大泌女孫之夫得聞  
大泌緒論其叔素惟與鍾退谷善退谷每稱京山譚子  
以別於鵠灣而渾作詩不屑屑合李亦不屑屑合鍾也

譚之琥鷹  
山詩集序

京山縣志

卷之十三

文苑列傳

四

國朝

徐同功前崇禎乙卯舉人

國朝康熙初任彝陵州學正

著有彝陵州志八卷

湖北通志

王偶亶字明勗涿州知州制之子受業於楊緝菴先生以  
順治中貢生選岳州府訓導才華富艷少遭亂離轉徙  
南北與鄭澹石吳次尾嚴瀨園楊幼如李雲田諸名流  
唱酬著有碧浪集十卷集中如左兵悲武昌悲皖城諸  
作其情致不減吳梅村廬陵劉軒孺序其泛草云明勗  
避難畱都已又溯兩姑泛彭蠡道途哀傷之作其悍將

橫戈鯨鯢銳故里邛墟江干蕭落如怨如訴欲憤欲怒可不謂詩史哉

陳銘字篆先少負雋才 國初應童子試卽有聲性孝友喜交遊臨文疾書而清疏奇古如宿構豪於詩亟爲學使王念尼所賞拔辛卯中副車旋廩於庠七試秋闈不遇賚志以歿

鄭直字古漁白牛泉人父工草書董華亭題其軒名貯葉直品端文粹尤長於詩兼工書畫邑侯李蠖菴重之時過從論文名流如毘陵毛子霞沱潛莫大岸朱悔人里

京山縣志

卷之十三

文苑列傳

五

中王鹿柴譚鷹山熊斗公諸人俱與直交遊吟咏以康熙丙辰貢入都考選不中而歸丙寅卒臨終詩曰對策歸來已暮年思親未報淚潸然五車書負今生債一卷詩畱異日緣筆硯生涯窮富貴雲烟供養散神仙啟予手足差無愧可見先人向九泉著有梅村詩集後集行世其詩精整和平在國初諸老中最爲雅音

黎峻號樵莊康熙中布衣爲前侍郎爽之孫生性迂傲不諧流俗少遊錢塘廣陵晚居邑北東關山中題所居曰鶯花藏躬自耕樵吟咏弗輟會有催租吏至峻題一絕

於符後云中發虎色斑斕一嘯清風人鬼寒昨夜縣  
官催賦急有人踏月過層巒令慙而謝之著有樵莊詩  
稿花滿堂詩錄散體文超逸有致詩淘洗未盡亦自遠  
俗

向兆麟字石村羊亭里人康熙丙子舉人武昌縣教諭丙  
子分校雲南鄉試由永州教授陞雒川知縣其詩學最  
工尤長樂府與鐵崖西涯抗席著有雪麓詩古文集十  
八卷推倒一時葉并叔張石虹胡抑齋江惺齋諸人皆  
重之又工畫仿王叔明而出入郭河陽之間子學敏以

京山縣志

卷之十三

文苑列傳

六

歲貢爲訓導亦能詩附雪麓集

孫成器字治初明戶部尙書孫交之後徙居邑之長灘埠  
乾隆中歲貢生任南漳訓導篤志好學老而不倦年八  
十猶篝燈達旦諸孫勸少息曰汝輩讀書曰長我則讀  
書日短矣何遑息乎諸孫汗流浹背著有萃京山房文  
集小鈍詩草弟保亨乾隆癸酉拔貢甲午舉人著有抱  
雲山房詩文又弟名泰字彙初壬申舉人以克己爲學  
著有日省錄子芴字立山丙午舉人羅田教諭姪謚號  
月溪丁酉解元蒲圻教諭著有周易觀玩隨筆

王心喬字鶴莊號吹月負才不遇晏中丞斯盛月課京山

擬李白武昌懷古詩拔第一評曰應使供奉再爲擱筆

著有吹月詩稿四卷楊瑱侯進士序行京山故事

王心啟字東明號雁門爲人清矯拔俗詩古文皆超逸可

人以布衣終果能堂集王有文稿一卷附刻吹月詩稿

之後其史論極佳京山故事

王化成字蹈九號眞巖賦性曠蕩不可羈絆與其兄吹月

俱以詩字名果能堂集王貧甚轉徙無常居少從邑侯

曾秋原問詩法故有根源京山詩鈔有詩稿一卷附刻吹月

京山縣志 卷之十三 文苑列傳 七

稿之後先生與其兄東明皆無嗣易履泰爲立石表其

墓文俱載果能堂集

王希元字桐山清寒高趣士也喜吟咏近溫李一派果能堂集

王桐山墓碣與易履泰交晚年益貧騎驢賣藥爲活每於驢

背推敲過易家即誦其途中作詩多散佚如訪譚雪堂

云烟霞窟裏松千尺水鶴巢邊茅一家贈易履泰北上

云五雲中史奏三策老臣知等句不減唐音二知齋筆記以

諸生終卒後易履泰爲之立傳且立石表其墓

黃攀桂號雲舫字月隣幼慧悟過人詩文書畫推倒時流

以明經終易履泰爲立石表其墓

朱華號樸齋邑庠生博覽嗜古著有雞窗文石凡六種

祝友閔邑庠生學淹博髫齡拾芥有神童之目以諸生終

李天泰字二交號野仙城內人譚映甲號後村西鄉太學

生俱爲人清狂喜吟咏又城南布衣任光字仲友號丹

谷好作詩不以字面求工俱見果能堂語錄

李元字太初號渾齋孫家橋人父訓讀於外病歸不能言

時妻有娠索筆囑曰少時有孀叩予戶未納予應不絕

若生男命之曰元遺腹六月而生先生徐文治補刊幼孤

京山縣志

卷之十三

文苑列傳

八

貧力學夜無膏火則默誦有遺忘則爇香炷以照之甚

苦篤如此京山故事乾隆辛卯舉於鄉後從座師某公遊學

因以博蠕範跋乙未大挑一等歷任四川仁壽金堂南充

知縣所至有循聲嘉慶丙子乞病歸里惟載書數萬卷

而已元學問博洽文筆淵雅著述極富官蜀時刻有渾

齋七種一蜀水經十六卷二音切譜十八卷三聲韻譜

十卷一以顧亭林音學五書爲鵠四寤索三卷闡明河

洛太極之學多前儒所未發五乍丫日程瑣記三卷六

通俗八戒一卷七蠕範八卷一時通儒皆重其書流播

都門坊肆又官仁壽時手修縣志體裁極爲謹嚴未梓者有桑梓錄率爾操觚錄又著有算書時鍾祥李雲門侍郎方著九章細草圖說元乃以已書就質侍郎評曰博大精深其詩古文未詳集名

丁大鵬字培風一字裴峯邑南河庠生京山自昔多詩人然無有蒐羅成編者鵬銳志搜葺積數十年之功哀爲京山詩鈔八卷自北宋廖正一迄

國朝嘉慶中丁正煥凡一百六十九家詩若干首未及梓而歿大鵬友李太初宦蜀中其子某以遺書請訂太

京山縣志

卷之十三

文苑列傳

九

初爲序而鐫之序畧曰朱竹垞明詩綜所載吾邑諸人若王少泉劉正言高鹿坡高叔宗李本甯郝楚望六人皆能自爲流傳者惟布衣李東白附本甯以傳夫前明之能詩者豈獨六人則皆廢棄於鼠蠹之口歷久遂無能道其姓氏况國朝人文蔚起百餘年來又將湮沒吾友裴峯憂之志切闡幽肆力搜羅遍求歷代詩而彙輯之嗚乎雨窗月徑務表前賢俾數百年之詩魂旣邈吟骨欲灰者忽燦爛於簡編吟哦於學士大夫之口斯其用意之忠厚爲不可及矣

尙楠字二榮歲貢生張良山下人性情伉爽友教最盛查  
文經金謂鏐兩進士皆出其門生徒列膠庠者半邑中  
高卿雲邑增生宋河團人道光元年舉孝廉方正子文純  
字伯初一字薌農道光戊子優貢爲人矜貴正直博學  
工詩己亥與修 文廟弟文源道光乙酉舉人大有文  
名惜不壽其弟在庠者多至今子孫方興未艾

義行列傳

明

易謙邑人也正統間關中饑謙與同鄉郝從善捐粟賑濟  
詔褒其門曰義士

國朝

譚環吉貿易下洋港其子隨行於店拾銀一封恐子知託  
病暫歇飯後失金者號泣而至環吉審其分兩錠件還  
之其人願分半以酬笑而不受

楊憲若縣役也拾王帝贊納餉銀六十餘兩訪還之不受

京山縣志

卷之十三

義行列傳

一

謝

夏可俊太學生生平多義舉乾隆甲戌大旱米貴鄉民多  
飢俊有宿積因請示煮粥散食日需米數石偶大雪無  
柴俊撤學屋爨之每年冬雪俊披氈攜帶錢米向隣村  
貧不舉火者擲之不責償孫維綱能文曾孫璜元孫文  
敏文喆原清文垣均入庠

劉繼緯呂張團人家僅中貲而解推不吝適潛人與邑聶  
姓爭河灘構釁緯捐所置潛邑田三十畝與潛人錢一  
百八十緡與聶姓事遂寢又蚌湖某衣局失銀因緯時



往還疑其拾取緯如數賠之不置辨後局得銀所在仍歸之且問何以誣賠曰恐累及小官人耳其孫榮鼇入孝行傳

黃正邦雍正乙卯歲貢樂善疏財康熙辛丑邑旱甚告災不准而催科煩擾紳耆欲上控無貲得邦助事乃濟旋蒙委勘撫卹官廉得邦助貲狀幾陷於法後得伸理開復焉

張雲程性豪爽邑有大修建輒捐貲襄其成泰山關帝廟其著也施銀多寶寺爲燈貲僧勒石殿右

京山縣志

卷之十三

義行列傳

二

殷德光舉人殷錫智之祖樂善好施修補橋路幾遍邑北後子孫雲初科秀鼎盛

吳大棟衛守府銜家富好義道光戊戌邑侯梁重修文廟并建考棚大棟與監生劉智各捐錢千緡襄其成大棟又捐己亥至丙午五科鄉試賓興不下三千金其子學浩中癸卯副車孫念慈甲子舉人

孫如錦城內人棄文入武庠嘉慶間以守城築堤破產急公叙職信騎尉

呂賓石呂張團人性好善每冬雪沿視隣舍有不舉火者

以錢米給之族叔某欲置產缺於貲寶石爲貸百餘千不責償有隣人持刀登門詈其子賓石止其子自出謂詈者曰小兒無禮當令負荆請罪詈者愧服歸子孫迭列膠庠

呂聲應呂小垞人幼慧以貧廢讀延師教子尊禮弗懈事親孝隣有父子相夷者聲應垂涕而道其人感泣遂如初道光壬辰歲饑斗米錢八百有堂弟與其女孤貧無依聲應爲之教養婚嫁內外德之

汪作舟孫橋團人好善樂施棺木衣衾殫力措捨咸豐丙

京山縣志

卷之十三

義行列傳

三

辰邑大饑作舟發穀賑救并不責償人咸德之子家驥孫煥章皆邑庠生

歐陽士鴻官橋團人捐職從九急公好義督勇禦賊不避艱險又以夫工貽害與四鄉紳耆公懇 本府邢公申詳 上憲夫隨糧徵在案合邑稱便

楊英平壩團人性慷慨仗義嘉慶元年教匪滋事捐貲修堡地方獲安上憲獎以八品職銜後同治初髮捻擾境因舊堡避亂者數萬人

生員孫日琇平壩團人嘉慶元年與武庠姚光壁率勇鬪

殺教匪數百人餘賊遁入安陸縣境又追勦殆盡事聞保舉縣丞辭不就

監生丁大樾平壩鎮人性慷慨敢任事同治甲子賊大至率鎮人守堡燈火達旦鎗炮不絕三晝夜不懈賊棄而南全活者計數萬人大憲獎以六品軍功

張忠烈青畝團人輕財好義每冬寒解己衣與人荒年備粥坐門首以待餓者補路修橋不一處享年八十三歲監生熊霖雨西十團人性好義咸豐甲寅捐貲募勇助平孔逆之亂丙辰饑出穀減價分給鄉里多不責償 其

京山縣志

卷之十三

義行列傳

四

子文郁與邑庠生鄒大藩等壬戌督勇堵賊遇害職員熊文科霖雨之姪剛正負氣憤堂弟文郁陣亡傾產募勇擊賊旋與弟文波等剏香山砦捐貲備軍具後賊往來得免殺擄者科力居多

朱斗南雍正時朱家奴也主人朱天眷六歲喪父母族惡欲圖其財斗南百計防護得無恙後以百金予己子囑

遠去勿歸免累世爲人僕也

比今爲斗南掃墓者百餘家皆朱氏後云

監生劉倫惠觀音下團人好善樂施歲荒多製綿衣與凍者修義塾捐田拾餘石無親疎咸就讀焉